

古今圖書集成

中国学术类编

食货典
中
(六)



按唐書憲宗本紀不載 按冊府元龜十三年四月高麗國進樂器及樂工兩部是年訶陵國遣使進僧者女二人鸚鵡玳瑁及生犀等 又按冊府元龜十三年四月劍南西川奏南詔請貢獻助軍牛羊奴婢等帝發詔褒美不令進獻南詔度使王謩之子稷進求軍里宅及宜義里亭子時謩以誘起兵間因緣際會累居大鎮厚殖財貨營第宅頗逾侈又請京兆府籍坊以廣亭榭朝廷業以優待姑容其專恣沒而入於官司固其所也

元和十四年韓弘蕭祐王潛等各進獻

按唐書憲宗本紀不載 按舊唐書本紀十四年五月己亥韓弘進助平淄青絹二十萬疋女樂十人女樂遷之秋七月辛巳羣臣上尊號韓弘進袍絹二十八萬疋銀器二百七十事九月戊寅考功郎中蕭祐進古畫古書二十卷

按冊府元龜十四年六月癸丑韓弘又進女妓二十人命放歸本道 又按冊府元龜十四年五月涇原節度使王潛進銀三千兩熟絹綾五千疋涇州密運戎境其土無百姓其軍皆仰給度支舊矣至若無名上獻雖吳蜀沃富猶取諸人以于煩不免于譏責今則盜割軍食以充貢獻而求恩澤蓋以時急于財勢使然也七月左右軍中尉各進錢一萬貫馬二匹自淮右宿兵以來度支鹽鐵及四方進獻不已始曰助軍寇平則曰賀禮其後又曰助賞設及帝加尊號又陳獻賀之禮

元和十五年穆宗即位罷申州貢茶辛祕貢黼又同紇來貢王仲舒進箭

按唐書穆宗本紀不載 按舊唐書本紀十五年三月罷申州貢茶

按冊府元龜穆宗以元和十五年正月即位三月罷中州歲貢茶以數少勞人從觀察使李程之請也八月澤潞節度使辛祕進猶七頭五坊使進猶八頭非常獻也十二月江西觀察使王仲舒進鳳日箭三千隻非常例也

穆宗長慶元年劉總進馬罷諸道貢獻及助軍錢

按唐書穆宗本紀不載 按食貨志是時河北兵討王承宗於是募人入粟河北淮西者自千斛以上皆授以官度支鹽鐵與諸道貢獻尤甚號助軍錢及賊平則有賀禮及助軍設物募臣上尊號又有獻賀物穆宗即位一切罷之兩稅外加率一錢者以枉法贓論然自在藩邸時習見用兵之弊以謂武卒法當姑息及即位自神策諸軍非時賞賜不可勝紀已而幽州兵圍張弘靖鎮州殺田弘正兩鎮用兵置南北供軍院而行營軍十五萬不能元兩鎮萬餘之衆而饋運不能給帛粟未至而諸軍或強奪於道

按冊府元龜元年范陽節度使劉總進馬萬五千匹長慶二年朱克融表進羊馬請價實軍又廻紇來貢韓紹宗進馬銀絹等物

按唐書穆宗本紀不載 按舊唐書本紀二年五月戊午幽州朱克融上表進馬萬匹羊十萬口先請其價實軍聞十月丙申廻紇可汗遣使獻國信四牀女口六人馬祿口四人

按冊府元龜二年九月鄆坊節度使崔從上言嘗管軍士因刷新得古銅器十四面有篆文隨表獻之十

二月韓弘孫紹宗進亡祖白身口五人馬十四匹乘輿十頭絹五千疋銀二千錠及器物刀劍弓箭等

長慶三年段文昌進繪羅勅服御器用權停進獻南詔進金碧等物又停貢甜菜海蚶

按唐書穆宗本紀不載 按舊唐書本紀二年三月勅應御服及器用在淮南兩浙宣歙等道合供進者并端午裏節常例進獻者一切權停十一月停浙東貢甜菜海蚶

按冊府元龜三年二月西川段文昌進繪羅等四千八百疋九月南詔王兵倭進其國信金碧文祿十有六品

長慶四年敬宗即位杜元穎進打毯衣罷貢鷹犬李祐進馬又波斯商進沈香亭子材浙西淮南進銀鞍奮吐蕃來貢

按唐書敬宗本紀四年正月丙子即皇帝位于太極殿三月壬子罷貢鷹犬

按舊唐書本紀四年二月庚子西川節度使杜元穎進毬毬打毯衣五百事非禮也三月詔天下常貢之外不得進獻秋七月甲戌左金吾衛大將軍李祐進馬二百五十匹御史溫造于闐內奏彈祐罷使連勅進奉祐趨出待罪詔宥之九月丁未波斯大商李蘇沙進沈香亭子材拾遺李漢諫云沈香為亭子不異瑤臺瓊室上怒優容之己巳浙西淮南各進宜銀銀鞍三具冬十月辛丑吐蕃貢犛牛鐵底銀犀牛羊鹿各一

按冊府元龜四年三月壬子詔天下常貢之外更不得別有進獻縱節度觀察使入朝亦不得進奉諸道

監軍自今以後在本道並入奏並不得進獻天下所貢奇綾異錦雕文刻鏤一事以上有涉諭制者悉皆禁斷屬大之流本備苑符委所司量留多少其餘並解放仍勒州府更不用進來

敬宗寶曆元年王播薛華王潛各進絹昭義監軍使進納詔公主郡王無進女口

按唐書敬宗本紀不載 按舊唐書本紀寶曆元年秋七月甲辰鹽鐵使王播進羨餘絹一百萬疋仍請日進二萬計五十日方畢播自掌鹽鐵以正入錢進奉以希寵固位託稱羨餘物議欲鳴鼓而攻之

按冊府元龜元年六月以簡毅右僕射兼戶部尚書薛華爲簡毅司空兼河中尹御史大夫充河中節度觀察使華理齊齊有政權時論方洽及是進絹萬疋旋有此拜議者甚惜十月朔南節度使王潛於賀冬進獻常數外別進絹一萬七千疋是月昭義監軍使進納三頭十二月朔南節度使王潛又進賀正常進外別貢綾絹一萬疋 又按冊府元龜元年六月乙酉詔公主郡王自今以後無得進女口

寶曆二年王播進絹李載義進馬鞍劉從諫進貂文宗即位鳳翔淮南進女紫不納倖貢纂組雕鏤金筐寶飾牀榻

按唐書敬宗本紀不載 按文宗本紀寶曆二年十二月乙巳即皇帝位庚申倖貢纂組雕鏤金筐寶飾牀榻

按舊唐書文宗本紀二年十二月詔宣纂組雕鏤不在常貢內者並停度支鹽鐵戶部及州府百司應供官禁年支一物已上並準貞元元額爲定先造供禁

中牀榻以金筐瑟瑟寶個者悉宜停造

按冊府元龜二年七月鹽鐵使王播進羨餘絹五十萬疋十月幽州節度使李載義進瑪瑙鞍一具十一月昭義節度使劉從諫進貂三頭 又按冊府元龜文宗以寶曆二年十一月卽位是月鳳翔府淮南進女紫二十四人放還本道

文宗太和元年梁守謙獻馬及玉帶銀器勅不受李種進馬鞍吐蕃來貢

按唐書文宗本紀不載 按冊府元龜太和元年三月右軍中尉梁守謙表請致仕獻馬五十四匹玉帶五十條銀器五擔勅並不受太原節度使李種進宜索馬鞍一百具奉先朝之命也四方諸色貢獻類是者衆不復舉八月吐蕃使諒壯大熱進國信金銀器玉腰帶及馬等

太和二年勅諸道進奉折充銀絹減貢蟒蛇膽

按唐書文宗本紀不載 按舊唐書本紀二年五月庚子勅應諸道進奉內庫四節及降誕進奉金花銀器并纂組文綺雜物並折充錠銀及綾絹其中有賜與所須待五年後纔有進止帝性恭儉惡侈庶人務敦本故有是詔帝與侍講學士許康佐語及取蟒蛇膽生剖其腹爲之惘然乃詔度支曰每年供進蟒蛇膽四兩桂州一兩賀州二兩泉州一兩宜於數內減三兩桂賀泉三州輪次歲貢一兩

太和三年鄆州高從弘奏請進助兩郊絹詔母獻難成非常之物

按唐書文宗本紀三年十一月詔母獻難成非常之物

按舊唐書本紀三年十一月禁止奇貢云四方不得以新樣織成非常之物爲獻機杆織羅若花絲布綾綾之類宜禁斷勅到一月機杆一切焚棄

按冊府元龜三年十月故鄆州烏重引男從弘奏請進助兩郊絹一萬疋生馬一百匹請降中使交領

大和四年王起進銀瓶犀帶等物

按唐書文宗本紀不載 按冊府元龜四年二月尚書左丞王起進亡兄播銀壺瓶百枚玉及通天犀帶各一條刀劍各一口拳杖一副馬二匹私白身三人有詔止令受銀瓶刀劍器杖及馬其白身却還朔日重進復不受旋命中使就宅宜白身三人更不用進來

太和五年詔諸鎮端午進奉雜絲易以生白綾絹

按唐書文宗本紀不載 按舊唐書本紀五年春正月癸亥詔端午節辰方鎮例有進奉其雜絲匹段許進生白綾絹

太和七年春正月壬辰罷吳蜀冬貢茶

按唐書文宗本紀云云 按舊唐書本紀七年吳蜀貢新茶皆於冬中作法爲之上務恭儉不欲逆其物性詔所供新茶宜於立春後造

太和八年詔進口味外不得煩苦都傳李載義進馬

按唐書文宗本紀不載 按冊府元龜八年九月詔應進奉口味時果進獻之外不得廣爲般次煩於郵傳十一月太原節度使李載義進楊志誠馬千匹

開成元年停四節進奉及獻鷺鳥吹大盧周仁進羨

餘錢帛不受又進詔貯其錢於河陰院復停河東西川進酒

按唐書文宗本紀開成元年二月乙亥停獻鷄鳥駝犬

按舊唐書本紀元年正月乙巳御紫宸殿幸臣李石奏曰陛下改元御殿人情大悅全放京兆一年租賦又停四節進奉恩澤所該實當要切帝曰朕務行其實不欲崇長空文閏五月湖南觀察使盧周仁進羨餘錢二萬貫雜物八萬段不受還之使貸貧下戶征稅秋七月丙申湖南觀察使盧周仁進羨餘錢一十萬貫御史中丞歸融彈其違制進奉詔以周仁所進錢於河陰院收貯

按冊府元龜元年正月詔諸道賀正端午降誕賀冬進奉起今權停三年其錢充折放百姓兩稅所在除藥物口味茶果外不得輒有進獻百司及諸道應宣索製造一物已上並停二月勅諸道應以禽鳥駝犬等上獻者依舊節例權停三年所進監軍常進者如例十二月勅河東每年進葡萄酒西川進春酒並宜停

開成三年諸鎮以詔停進奉放貧下戶租稅日本來貢

按唐書文宗本紀不載 按舊唐書本紀三年十二月日本貢真珠絹

按冊府元龜三年六月諸道征鎮各奏准詔停進奉以放貧下戶租稅

宣宗大中 年唐毗國獻象帝還之

按唐書宣宗本紀不載 按冊府元龜宣宗初魏暮

爲戶部侍郎平章事時唐毗國獻象暮以其性不安中土請還其使帝從之

大中七年興元進犀牛日本來貢

按唐書宣宗本紀不載 按冊府元龜七年二月興元進犀牛有詔還之四月日本國遣王子來朝獻寶器音樂帝謂宰執曰近者黃河清今又日本國來朝朕愧德薄何以堪之因賜百僚宴陳百戲以禮之

大中八年二月南蠻進犀牛詔還之

按唐書宣宗本紀不載 按舊唐書本紀云云 大中九年七月庚申罷淮南宣歙浙西冬至元日常貢

按唐書宣宗本紀云云

懿宗咸通七年張義潮進鷹馬女子僧曇延進釋氏書

按唐書懿宗本紀不載 按舊唐書本紀咸通七年七月沙州節度使張義潮進甘峻山青駝鷹四聯延慶節馬二匹吐蕃女子二人

按冊府元龜七年僧曇延進大乘百法明門論

咸通八年五月丙辰禁延慶端午節獻女口

按唐書懿宗本紀云云

咸通十四年七月辛巳僖宗即位十二月癸卯罷貢鷹鶴

按唐書僖宗本紀云云

僖宗光啓元年王鎔獻耕牛農具兵仗

按唐書僖宗本紀不載 按舊唐書本紀光啓元年鎔獻節度使王鎔獻耕牛千頭農具九千兵仗十萬昭宗乾寧元年李茂貞獻妓女

按唐書昭宗本紀不載 按冊府元龜乾寧元年正月鳳翔李茂貞來朝獻妓女三十人

乾寧三年李茂貞獻錢十五萬

按唐書昭宗本紀不載 按舊唐書本紀三年十月戊午李茂貞上表章請罪願改事君之禮繼修職貢仍獻錢十五萬助修京闕

光化三年王建奉表貢茶布等

按唐書昭宗本紀不載 按蜀樸光化三年詔建私門立敬加中書令封鄧郡王昭宗還長安建奉表貢茶布等十萬

天復元年李茂貞進錢

按唐書昭宗本紀不載 按舊唐書本紀天復元年四月李茂貞自鎮求朝賜宴於壽春殿進錢數萬緡天祐元年劉隱進香藥

按唐書昭宗本紀不載 按冊府元龜天祐元年十二月廣州劉隱進佛哲國阿陵國羅越國所貢香藥

京帝天祐二年停閩中進橄欖子朱全忠進助郊禮錢

按唐書哀帝本紀不載 按舊唐書本紀天祐二年六月丙申勅福建每年進橄欖子比因閩省出自閩中幸於嗜好之間遂成貢奉之典雖嘉忠盡復恐煩勞今後只供進臘面茶其進橄欖子宜停七月全忠進助郊禮錢三萬貫

按冊府元龜二年六月以福建每年進橄欖子勅曰禹別九州秦分百郡勅務隨方之職須資利物之源朕所以郵筠醬於漢朝慕菁茅於周室用爲徽戒以省征徭福建一道遠在海隅膏勸土貢每年所進橄

古今圖書集成

檀子頗甚勞役往來本因開墾生長闊畝自爲航愛率令供進以爲定規况非蕭熟之珍仍異厥包之禮雖彰忠誠無濟闕如每年但供進臘面茶外不要進奉檀檀子永爲常例

天祐三年廢牛羊司御廚肉

按唐書哀帝本紀不載 按舊唐書本紀三年十一月丙子廢牛羊司御廚肉河南府供進所有進到牛羊付河南府收管

後梁

太祖開平元年朱友諒張全義高季昌廣州渤海契丹俱來貢

按五代史太祖本紀不載 按開府元龜開平元年五月壬午保義軍節度使朱友諒進百官衣二百副其月廣州進奇寶名藥品類甚多河南尹張全義進開平元年已前羨餘錢十萬貫絀六千正綿三十萬兩仍請每年上供定額每歲貢絹三萬疋以爲常式荆南高季昌進瑞橋數十顆質狀甘味倍勝常貢且極當冬熟今方仲夏時人咸異其事因稱爲瑞十月廣州進獻助軍錢二十萬又進龍腦帶珍珠枕玳瑁香藥等十一月廣州進龍形通犀腰帶金托裏合發玳瑁器百餘副香藥珍巧甚多 又按開府元龜元年五月渤海王子大昭順貢海東物產契丹首領袍笏謀哥梅老等來朝契丹久不通中華聞帝威聲乃率所部來貢三數年間頻獻名馬方物

開平二年幽州福州及諸道節度契丹各來貢

按五代史太祖本紀不載 按開府元龜二年正月幽州劉守文進海東鷹鷂著馬藍麝方物九月福州

貢玳瑁琉璃犀象器并珍玩香藥奇品海味色類良多價累千萬十一月諸道節度刺史各進賀冬田器鞍馬鞍轡等 又按開府元龜二年二月契丹王阿保機遣使貢良馬方物五月契丹國王阿保機遣使進良馬十匹金花鞍轡豹鼠皮頭冠并菜男口一名蘇年十歲女口一名驛年十二契丹王妻亦不進貢馬一匹朝霞錦金花頭冠麝香前國王欽德亦進馬其國中節級各先使進獻共三十一人表六封

開平三年劉守光錢鏐及諸道節度使渤海契丹俱來貢

按五代史太祖本紀不載 按開府元龜三年四月幽州節度使劉守光進著中圭異馬一匹鞍後毛長五寸名烏龍兩浙節度使錢鏐進睦州大茶三百一十籠洞牙弩百枝桐木槍二千條賜進奉使紀君武銀帛有差是年冬諸道節度使刺史咸貢鞍馬銀絹羅綺質正 又按開府元龜三年三月渤海王大諱譚羌其相大諱諤朝貢進兒女口及貂鼠皮熊皮等閏八月鴻臚寺引進契丹阿保機差首領葛鹿等進金銀鐵甲金銀鏡甲及水精玉紫鞍轡等物馬一百匹其阿保機母妻各進雲霞錦一疋

開平四年福州廣州魏博俱進獻

按五代史太祖本紀不載 按開府元龜四年五月自朔旦至癸巳內外以日奉獻巨萬計馬三千蹄餘稱是復相率助修內壘時南北征伐版籍未定賦帝每議營造及節序無不咸獻而南方數鎮入相調外山澤魚鹽之利罕籍於縣官矣七月福州貢方物獻桐皮扇廣州貢犀玉獻船上書被水十月己卯

新修天驤院帝閣宴落成內外并獻馬而魏博進絹四萬疋以爲贖價

乾化元年兩浙廣州安南福建俱來貢

按五代史太祖本紀不載 按開府元龜乾化元年兩浙進大方茶二萬斤琢畫官衣五百副廣州貢犀象奇珍及金銀等共估數千萬安南兩使留後曲美進筒中燕五百疋龍腦金各五瓶他海貨等有益又進南蠻通好金器六物銀器十二并乾龍燒花越瓦等雜織奇巧者各三十件福建進戶部多文權課葛三萬五千疋

乾化二年廣州福建來貢郡國各獻郊費丁蕃衛獻物謝恩詔傳之

按五代史太祖本紀不載 按開府元龜二年四月廣州獻金銀犀牙雜寶貨及名香等合估數千萬是月客省引進使韋堅使廣州迴以銀茶上獻其估凡五百餘萬福建進供御金花銀器一百件各五千兩是年天下郡國各助郊天及賀正獻相次而至 又按開府元龜二年以丁蕃衛爲陳州而蕃衛厚以鞍馬金帛爲謝恩之獻帝慮其流民復其獻而停之

後唐

莊宗同光元年楊博遠盧蘓進獻救斷官較張鈞朱保謹各來貢物

按五代史莊宗本紀不載 按開府元龜同光元年十一月勅朕大平國恩顯紹帝圖應天地之妖氛救生靈之塗炭方懷至理未保鴻休敦去華務實之規成革故從新之化足可塞僥倖之路絕繁費之源協我無私告爾有位應隨處官吏務局員僚諸軍將校

等如聞前例各有進獻貢奉章不唯表瀆於朝廷實且傷於誅斂速宜止絕以肅風化倘未平軍節度使張筠遣其弟鶴進馬三十匹銀二千兩御衣千段是月宿州朱保讓進本朝十二列聖寫真及元宗封泰山圖

按十國春秋吳曆帝本紀順義三年夏四月晉王即皇帝位國號唐改元同光冬十月王遣司農卿盧嶺獻金器二百兩銀器三千兩羅錦一千二百疋龍腦香五勛龍鳳絲帳一百事於唐十二月復遣盧嶺獻方物於唐上唐太后金花銀器衣段是時殷可求預料唐主之言敬願對既至皆如可求所料

同光二年李茂貞張全義王審知楊渾錢鏐馬殷孔勣通僞曹義兌項奚俱來貢

按五代史莊宗本紀二年春正月諸鎮進暖殿物

按開府元龜二年正月鳳翔節度使李茂貞進龍鳳玉帶是月涇原節度使李嚴進寶裝針珥錦絲於皇后宮及河南尹張全義諸鎮進暖殿物貢羊馬等二月福建節度使王審知遣使奉貢三月淮南楊渾進其右威衛上將軍許確進賀正銀二千兩錦綺羅一千二百疋細茶五百斤象牙四株犀角十株五月放寨王李茂貞遣使王修進遺留禮物水晶鞍盤龍玉帶瑤瑤酒杯翡翠臂環琥珀墜玉銀蓮花座珊瑚樹一株單器綉絲錦等九月兩浙錢鏐遣使錢詢貢方物銀器越綾吳綾越絹綉鳳衣絲鞋履子進萬壽節金器盤龍鳳錦織成紅羅襪袍襖衫段五色長連衣段綾絹金襴襪色磁器銀裝花欄木廚子金排方盤龍帶御衣白龍瑤紅地龍鳳錦被紅藤龍

鳳箱等十月湖南進羅浮柑于福建節度使王審知進萬壽節并賀皇太后到京金銀象牙犀珠香藥金裝寶帶錦文織成綉幡等是月湖南馬殷進萬壽節銀龍鳳陷花漆浴解一盤龍御衣龍鳳金帶龍鳳裝箭籠龍鳳朱背弓紅絲弦金銀頭箭銀千兩又安義孔勣進寶裝酒器十二月淮南吳國主楊渾遣使王權進賀正金花銀器錦絲千段御衣金器涪太后禮物又按開府元龜二年四月通僞都督李弘釋通副使田徽林都監楊福安等六十八人陳方物稱本國權臣可汗仁美在甘州差貢善馬九匹白玉一團是月沙州曹義進玉三團珊瑚羚羊角波斯錦茸褐白氈生黃金星簪等十一月党項進白驢奚王李紹威進馬迴鶻都督安子想進玉團龍馬等十二月党項通僞香來貢良馬其妻韓氏進龍馬

按十國春秋吳曆帝本紀順義四年

光二年夏四月遣使獻唐方物秋八月遣右威衛將軍雷觀獻新茶於唐

同光三年馬黃李繼麟楊渾錢鏐于元璣元璣徐州各來貢物王都樞密使各進皇后上壽物諸州府各進重午物河西郡熱吐渾党項突厥渤海俱來貢按五代史莊宗本紀不載按開府元龜三年二月桂州馬實貢方物是月車駕在鄴庚午皇后劉氏生辰王都樞密使各進上壽物錦絲金銀器又河中李繼麟進綠銀爲宴資又湖南馬殷進羅浮柑子五月吳越王錢鏐獻孔雀二又淮南吳越國主遣使王浩獻重午物銀錦紗細茶單扇龍鳳紗紋廚諸州府各貢端午物九月徐州進九煉神鋼刀劍各一十月

兩淮錢鏐留後錢元璣蘇州節度錢元璣各貢進金銀錦綺數千件御服犀帶九經書史漢唐書共四百二十三卷又按開府元龜三年正月河西郡落折驕兒貢驢馬二月河西郡落折文通貢驢馬熟吐渾李紹威貢驢馬項折願慶貢方物又突厥渾解樓貢方物渤海國王王大謹讓遣使裴驤貢人參松子昆布黃明細布貂鼠皮被一褥六襲靴單奴子二熟吐渾管赫連海龍貢羊馬

按十國春秋吳曆帝本紀順義五年光三年閏十二月遣雷觀獻賀正禮幣於唐

同光四年梁文矩錢鏐曹義全折文通楊渾奉歸盈通僞俱來貢明宗即位改元天成敕中外獻賀不得搭做百姓張養浩河中各貢物戶部王權奏請天下二百餘州任土貢物宜遵貢式

按五代史莊宗本紀俱不載按開府元龜四年正月鎮州知州梁文矩奏准進花果樹栽及梁官梅香餅等并已赴闕是月兩浙錢鏐貢佛頭螺子青一山螺子青十尊薩石盤子四空青四其表不題又沙州節度使曹義全進謝賜莊節官詩玉鞍馬二玉團珊瑚散玉鞍轡鞍具安西白氈胡錦雄黃波斯國紅地松樹駝胡桐桐銀金星犀大鵬沙二月沙州曹義全進和市馬百匹羚羊角珊瑚龍牛尾又進皇后白玉符金青符白玉獅子指環金剛杵瓜州刺史慕容歸盈貢馬又按開府元龜四年正月連恒都督折文通貢驢馬迴鶻可汗阿咄欲都督程那明貢馬又按開府元龜明宗即位初勅日八表來王蓋華朝宗之義四方遠職咸遵任土之宜荷獻奉之

張尙俱來貢

按五代史明宗本紀長興元年冬十月甲辰曉衛上將軍致仕張筠進助軍案

按冊府元龜元年五月靈武進野馳峰二枚十月福建王延鈞進賀郊禮畢銀七千兩及蕉牙香藥金器百兩 又按冊府元龜元年四月吐蕃首領千撥葛進驛牛二頭八月吐蕃康合畢來貢驛馬九月河西蕃官姚東山吐蕃首領王滿儒等三十人進馬八十匹玉一團沙州曹養全進馬四百匹玉一團

長興二年河西党項東丹突厥來貢詔禁貢鷹隼

按五代史明宗本紀不載 按冊府元龜二年九月辛亥勅曰馳騁敢獵聖人每抑其心奇獸珍禽明王不畜於國朕猥將寡薄虔奉宗統覽前代之興亡思昔人之取捨所以尋頒明詔遠諭遐方推好生惡殺之仁罷鷹鷂鷹隼之貢一則杜盤遊之漸一則遂飛走之情近日諸色人不稟詔條領獻鷹隼既不能守茲近勅則何以示彼後人頗謂踰違須行止絕其五方見在鷹隼之類並貢就山林解放此後諸色人等並不得輒將進獻仰開門使凡有此色貢奉表章不得引進 又按冊府元龜二年正月河西党項折七移等進驛馬東丹王突欲進馬十四匹氈帳及諸方物又進本國印三面宣示宰臣達但列六薩娘居等進馬二月突厥首領壯阿熱吐澤康萬琳各進馬十二月党項首領來進所奪得契丹旂并馬

長興三年詔絕行幸處進奉石敬瑭藥彛欄馬希範高從誨等各進獻西京百姓侯可洪獻玉四團沙州契丹達但來貢諭京官不得進賀長至物

按五代史明宗本紀不載 按冊府元龜三年二月帝謂侍臣曰自今後行幸處宜令止絕進奉是月河東節度使石敬瑭進玉帶光潤異常帝謂之曰朕不少此物復以賜卿敬瑭拜獻數四方受翌日賜以良馬是月藥彛欄進回鶻可汗先遣使送金裝胡鞍道秦王爲党項所掠至是獲之而獻帝曰此物已經割掠况會曉諭凡破賊所獲軍中自收今後却賜彛欄所貢示人以信彛欄又進納党項所劫回鶻玉二團等却賜之十月奉西湖南馬希範荆南高從誨並進銀及茶所上章各稱與強寇比鄰長查防捍希宜賜戰馬以助軍容帝曰湖南接淮寇請馬爲宜荆南在內地何煩設備趙延壽奏曰藩臣求馬不宜受重請還其獻量賜馬數十匹帝曰然乃賜希範馬五十匹從誨二十匹還其獻十一月宣旨在京臣僚不得進奉賀長至馬及物色 又按冊府元龜三年三月西京奏百姓侯可洪于楊廣城內掘得玉四團差三橋鎮使朱廷義呈進賜廷義絹二十疋可洪等絹二百疋別賜價錢二百貫 又按冊府元龜三年正月沙州進馬七十五匹玉三十六團三月契丹遣使都督起阿鉢等一百十人進馬一百匹及方物達但嘗葛蘇進馬十匹及方物又契丹遣使鐵爲羅卿獻馬三十匹九月契丹遣使都督述祿卿進馬四十四匹長興四年回鶻都督李末獻鶴命放之李彝超劉仲股各獻馬

按五代史明宗本紀四年秋七月乙未回鶻都督李末來獻白鶴命放之 按冊府元龜四年十月己巳夏州李彝超進馬五十匹

匹是月前秦州節度使劉仲殷受代歸京獻馬七十匹 愍帝應順元年朱弘昭馮贊石敬瑭契丹沙州瓜州回鶻來貢

按五代史愍帝本紀應順元年春正月乙未朱弘昭馮贊獻錢助作山陵閏月北京留守石敬瑭獻銀絹助作山陵

按冊府元龜元年正月契丹遣都督沒粹來朝獻馬四百驛十羊二千先是遣供奉官房琳入契丹復命故有是獻是月沙州瓜州遣牙將各以方物朝貢回鶻可汗仁美遣使獻故可汗仁裕遺留貢物鞍馬器械仁美獻馬二團玉報轡鋼鈔鈴羊角波斯寶樣玉帶

按十國春秋吳越文穆王世家應順元年九月王獻唐白金五十錠絹五千疋靜海軍節度使檢校太保中書令王弟元球等四人共貢唐白金七千錠綾絹七千疋

廢帝清泰元年萊魯陳汾四州各進馬賀冊中宮詔不納房知溫康福錢元璿元球皇子重美從壇從敏李專美趙在禮張希崇李重謙等及高麗契丹達但俱來貢

按五代史廢帝本紀不載 按冊府元龜清泰元年七月萊魯陳汾四州刺史丁審琪而下各進馬賀中宮受冊詔不納八月青州言高麗入貢使金吉船至岸北京言契丹遣使達但朝貢部送京師是月達但首領沒干越等入朝貢羊馬 又按冊府元龜元年五月壬戌平盧軍節度使房知溫來朝及與諸將歸

古今圖書集成

獻宴于長春殿始奏樂知溫獻奉數萬計七月辛丑
前邠州節度使康福入朝獻金龍鞍勒馬十一匹九
月辛酉兩浙錢元璣獻銀五千兩綾絹五千疋又元
璣弟蘄州中吳軍節度使元球及諸弟領安南桂廣
節度使元球等四人共貢銀七千兩綾絹七千疋十
月丙戌皇子河南尹重美洋王從璋涇王從敏宣徽
使李專美獻暖帳羊酒爐餅火具襄州趙在禮獻青
鹿帳紅錦織氍毹暖帳甲寅河南尹重美又獻冬
服錦綺綾羅三百疋十二月戊戌靈武張希崇獻拒
霜香三器馬十八匹控鶴都指揮使李重謙獻馬十
匹時征馬少親將首率也

清泰二年詔禁進奉奇巧羣臣獻馬兩浙錢元璣董
溫琪張希崇生吐渾回鶻曹義全各來貢物
按五代史廢帝本紀二年六月癸未羣臣獻漆都馬
按開府元龜二年五月詔曰朕聞奇技淫巧增費損
功古先哲王常戒其事朕憲章百代臨御萬方以其
欲致延鴻必絕驕奢之漸將期富庶庶須除蠹耗之源
每務實以去華期化民而成俗近者諸色進奉寶裝
龍鳳雕鏤刺作粗織之異既經釐革尚敢踰違宜再
舉行貴於遵守今後此色物諸處不得進奉所緣同
不得輒通九月甲寅兩浙貢茶香綾絹三萬六千計
是月杭州錢元璣進銀綾絹各五千兩疋錦綺五百
連金花食器二千兩金綾緞色磁器二百事是年靜
海軍節度使錢元珣中吳軍錢元球各貢銀綾羅器
物等十月己巳鎮州董溫琪獻御服錦綺二百疋
銀一千兩并禮也言貢奉可也十一月乙未前靈武
節度使張希崇入朝獻馬五十匹玉團龍右地圖斜

褐犛牛尾野馬皮拒霜菜 又按開府元龜二年正
月生吐渾首領姚胡入朝獻馬七月回鶻可汗仁美
遣都督陳福海而下七十八人獻馬三百六十四匹五
二十團白氍毹褐犛牛尾綠野馬皮野駝峰沙州刺
史曹義全涼州留後李文謙各獻馬三匹瓜州刺史
慕容歸盈獻馬五十匹

欽定古今圖書集成經濟彙編食貨典

第一百八十七卷目錄

貢獻部彙考五

後晉

後漢

後周

遼

宋

金

元

明

清

宣

統

緒

餘

考

五

後

晉

高

祖

天

福

二

年

詔

北

京

留

守

凡

諸

道

食貨典第一百八十七卷

貢獻部彙考五

後晉

高

祖

天

福

二

年

詔

北

京

留

守

凡

諸

道

禮

物

不

得

收

留

又

經濟彙編食貨典第一百八十七卷貢獻部

襄州安從進謝恩加官絹一千疋金一千兩銀一

千兩犀三株牙一株九月鎮州安重榮進馬三十匹

十月宋州趙在禮進龍鳳紅錦煖帳一副是月

吳越王錢元璣進銀五千兩絹四千疋吳越異紋綾

一千疋羅二百疋又進金帶御衣雜寶茶器金銀裝

銀并細紅甲寶裝弓箭等又進細細香藥一千斤

牙五株真珠二十斤茶五萬斤十一月甲寅前涇州

李德充進戰馬三十匹犛牛四頭丁巳襄州安從進

進絹一千疋馬二十匹十二月丙申宋州趙在禮進

助國絹三千疋辛丑湖南馬希範進銀二千兩賀日

南至乙丑又進金漆柏木銀裝起突龍鳳茶林椅子

踏牀子紅羅金銀錦繡褥紅絲網子又進金銀玳瑁

白檀香器四及銀結條假果花樹龍鳳盤畫鼓等物

又進合膏桃源洞白茅百叢藤渠江南紫蓋峰白

雲洞清花等茶又進蟬翼鍾乳乳頭香石亭脂木瓜

丸一萬顆帝覽之謂侍臣曰奇巧蕩心斯何用耳藥

茗可進而丸可食乎但地僻海曲習以成風來遠之

道遠止為難宜令所司與收

按十國春秋吳越文穆王世家二年貢晉天和節大

排方龍座金腰帶一座御衣十三事

天福三年諸鎮皆進物以助國回鶻于闐來貢

按五代史高祖本紀三年二月戊戌諸鎮皆進物以

助國

殘民以獻其上君臣同欲賄賂公行至此而不

勝其多矣故總言諸鎮此後不復書矣

按開府元龜三年正月壬戌昭義軍杜重威進助國

馬二十匹銀五百兩玉帶五條五月己巳招討使楊

光遠進謝恩加官馬十四匹絹一千疋銀器一千兩六

月丁丑鄆州安審琦進謝恩加官馬十匹銀五百兩

絲一千兩絹五百疋丁亥河中安審信進謝恩加官

馬三十三匹壬寅荆南節度使高從誨進謝恩加官馬

二十匹銀二千兩甲辰陳府李從敏進謝恩加官馬

十匹錢一萬貫是月北京留守安彥威進謝恩加官

馬一十一匹錢三千貫七月庚戌西京留守李周進謝

恩加官馬一十一匹銀二千兩鎮州安重榮進謝恩加

官馬十四匹絹二千疋八月丁丑秦州節度使康福進

謝恩加官銀五百兩馬三十三匹乙未鳳翔李從贇進

謝恩開授秦王馬五十四匹九月乙丑鄆州安審琦進

添都馬五十四匹徐州裴從簡進馬三十匹又亳州

團練使郎萬全進馬二十五匹丁丑滑州馬全節

進御衣織成紅錦林褥雜色綾一千疋綿五千兩十

月乙亥福建節度使王繼恭進奉天和節並賀冬端

午銀共五千兩是月王繼恭又進金器六事二百兩

金花細縷銀器三千兩真珠二十斤犀三十株銀裝

交牀五十副牙二十株又進大茶八十斤香藥一萬

斤朱符銀鑲槍二百條通節箭三萬莖又進五色

桐皮扇子海蛤廉輓細燕藥木瓜等物丁丑范延光

差男守節守嚴等進謝恩累差使臣安撫馬三十匹

銀一千兩絹三十二疋乙酉青州王建立進謝恩賜

冊禮銀器一千兩絹帛二十疋丙戌南浙錢元瑾進

謝恩除天下兵馬副元帥吳越國王金器五百兩銀

一萬兩吳越異紋綾八千疋金條絲三千疋絹二萬

疋綿九萬兩大茶臘源茶共六萬四千斤又進大排

方通犀瑞象腰帶戊子前鄆州安審琦進絹三千疋

第六九一冊 之一〇葉

絲萬兩兩浙錢元璫又進真珠二十斤牙三十株乾
薑五萬斤蘇木五萬斤雜香五十斤辛卯朱州趙在
禮進助國錢二萬貫丙申魏府楊光遠進謝恩九臣
朝觀馬三匹絹一千正玉腰帶金酒器等又進謝恩
賜旌節官話馬五匹絹一千正銀器三百兩新授督
昌安審時進謝恩賜旌節官話馬二匹絹一千正又
進請開內宴金腰帶一條絲一萬兩樂官絹二百正
壬寅徐州長從簡進錢一千貫絹一千正是月鎮州
安重榮進錢一萬貫十一月乙巳鄆州范延光來朝
進馬三千匹絹二千正銀二千兩丙午又進請開內
宴絹一千正伶官絹二百正定州皇甫遇進絹三千
疋丁未范延光又進絲十萬兩耀州團練使安元信
進添都馬二十五匹甲寅新授西京留守楊光遠進
謝恩馬三匹銀器三百兩絹一千正丁巳鄆都副
留守太子太師致仕范延光進謝恩馬十四匹絹一
千正玉腰帶一條金匣盛金酒器一副壬申前西京
留守高行周進絹一千正馬十四匹十二月己卯新授鄆
都留守高行周進謝恩馬十四匹絹一千正銀器三百
兩內宴錢一萬貫乙酉湖南馬希範進御輦一乘金
漆柏木鑲金花板銀裝真珠車渠紅絲綢囊又進謝
恩除江南諸道都統絹二千正又進謝改功臣加食
邑銀鈔羅四十面重二千兩又進土絹土施吉貝布
共三千疋謝恩放免逐年三十五萬茶稅又進鉄金
五十兩 又按冊府元龜三年三月可汗遇鶻王仁
美進野馬獨峯驍玉轡頭大鵬砂硃砂硃磨金剛
鑽羚羊角白貂鼠皮安西絲白氍布犂牛尾野驄峯
等物九月于闐國王李聖文遣使馬繼榮進玉圍白

氍布犂牛尾紅鹽鬱金硃砂大鵬砂玉裝轡轡轡
輶軒手刀迴鶻可汗又遣使李萬金進馬一百匹駝
十二頭
天福四年陳郡民穿地得金州牧貢之帝不納詔停
令節進獻迴鶻契丹來貢
按五代史高祖本紀不載 按冊府元龜四年六月
陳郡民王武穿地得黃金數餅州牧取而貢之帝曰
宿藏之地既非符寶不合入官命付所獲之家九月
勅曰朕恭己臨民虛心求理務崇儉約以致和平乃
眷臣寮悉懷忠義每觀貢助備見傾輸雖嘉奉上之
誠宜示酌中之道其寒食七夕重陽及十月煖帳內
外羣后進獻宜停 又按冊府元龜四年三月迴鶻
都督搜里敦來朝可汗仁美貢鑲劍珥玉良馬百驢
瑤杖寶轡舟鹽扇氍毹玉後視白貂鼠犂牛尾駒駝革
九月契丹使粘木孤來獻牛馬犬脂願驥十驢
天福五年湖南來貢詔罷龍陽京兆進瓜果又迴鶻
契丹及錢元璫來貢
按五代史高祖本紀不載 按冊府元龜五年二月
戊申湖南進臥輦一乘御衣一襲與鳳文之觀龍玉
之帶四月詔罷龍陽京兆進瓜果園勞人也
又按冊府元龜五年正月迴鶻可汗仁美遣都督石
海金來朝貢良馬百驢白玉百圍謝冊命也十月契
丹使舍利來聘致馬百匹及玉轡鑲鞍氍毹矢組
繡囊鞬等
按十國春秋吳越文穆王世家五年冬十月王貢晉
謝恩金器三百兩白金八千兩金條紗五百疋縐五
萬兩

天福六年詔停令節謝賀湖南吳越福州荆南俱來
貢殿中監劉政思進竹牛角殿中省進麝香等物
按五代史高祖本紀不載 按冊府元龜六年八月
甲寅湖南遣使進金銀器及方物十月己丑吳越王
錢元璫進金帶一條金器三百兩銀八千兩縐三千
疋絹二萬疋金條紗五百疋縐五萬兩茶三萬斤謝
恩加守尚書令辛卯又進象牙諸色香藥重疊金裝
茶鉢金銀棹磁器細茶法酒事件萬餘甲午湖南貢
諸色香藥蠟面含膏茶于福州王廷義遣使進銀
四千兩象牙二十株葛五十疋乾薑蕉乳香沉香玳
瑁諸物謝恩加官別進端午節銀一千兩細葛二十
疋海蛤乾裁扇于等物又進茶五千斤福建兩浙隔
閩淮南陸道不通歲以海船來往風濤無常故凡節
度申貢或先時或不及時也癸丑福建進度支戶部
商稅葛八千八百八十疋十一月戊午殿中監劉政
思進竹牛角五對壬申荆南遣使進金器一百兩御
衣段羅綾絹一百五十疋白龍腦香二斤九鍊純鋼
金花手劍二口謝恩賜御馬別進賀冬至銀五百兩
己卯殿中省進麝香熊膽熊膽從舊制也丁酉湖南
遣使獻吉貝等三千疋白蠟一萬斤朱砂五百斤并
諸香藥五千餘斤別進漆器萬餘事 又按冊府元
龜六年正月詔曰朕自御宸區每思黎庶庶除聚斂
以活疲羸訪聞遐僻邊境之州或無公廩利用之物
每因節序亦備於貢輸輟官吏之俸錢率鄉園之人
戶雖云奉上其害害公今後多年寒食端午天和節
及諸色謝賀所屬州縣處俱不得進奉
天福七年張彥澤契丹荆南來貢出帝即位景延廣

李守貞郭謹發弘佐劉知遠王冠義及迴鴿來貢
按五代史出帝本紀七年六月乙丑出帝即位八月
庚申天平軍節度使景延廣義成軍節度使李守貞
彰德軍節度使郭謹進錢果助作山陵十二月庚午
北京留守劉知遠進百頭穹廬

按開府元龜七年三月戊寅澤州節度使張彥澤到
關進朝見謝恩馬九匹又進馬五十匹并銀鞍轡黑
漆銀錢子馬面人鐵甲弓箭袋軍銀裝劍共五十副
又進駱駝二十頭已卯又進馬五十匹供御金銀鞍
轡一副庚辰又進馬五十匹金鞍轡全人馬甲弓
箭各五十副彥澤在前任擅討吐蕃部族爲其所敗
遂括境內馬千餘匹以補其數至是額有是獻四月
己巳新授龍武軍大將軍張彥澤謝恩馬十四匹五
月甲申朔荆南遣使進賀端午白金茜緋簾扇等物
又按開府元龜少帝以天福七年七月即位十一
月兩浙錢弘佐遣使進銀銀五千兩絹五千疋絲一
萬兩謝恩封吳越國王又貢細甲弓弩箭扇子等又
貢蘇木二萬斤乾薑三萬斤茶二萬五千斤及祕色
磁器鞋履細酒糟真細紙等同鴿托都督已下進綱
砂千八百斤犛牛尾一千斤白布一萬疋斜褐一百
段玉梳玉菱刀子等物十二月福建王延義遣使進
銀銀二千兩花鼓六面謝降恩命又進象牙十株紅
蕉二百疋蟬紗二百疋餅香沉香煎香共六百斤胡
椒六百斤肉豆蔻三百斤箭幹二萬隻謝賜國信又
進銀銀四千兩貢蕉二十疋海蛤十斤扇子靴裁具
等充端午天和節正冬獻賀又直進銀銀一千兩葛
一萬疋細蕉二百疋粉薑五千斤象牙十株蠟面茶

二百斤大茶五千斤又進鹽鐵度支戶部三司葛一
萬六千六百疋及諸口味等 又按開府元龜七年
二月契丹遣使大卿以下三十一人來聘獻馬及方
物三月吐渾使慕容金進已下十四人見進馬十四
迴鴿都督來朝獻馬三百匹玉百圍玉帶一
出帝天福八年契丹杜重威俱獻馬張瓊奏膠西民
于希得蛇珠以獻

按五代史出帝本紀不載 按開府元龜八年七月
壬午契丹迴圖使喬榮通都都在殿到關各進馬一匹
十月鎮州節度使杜重威直進馬五十匹十一月密
州刺史張瓊奏膠西縣孝行鄉諸城村百姓于希得
蛇吐珠一顆進之時無慰答亦無錫賚議者非之
開運二年迴鴿湖南淮南來貢

按五代史出帝本紀不載 按開府元龜開運二年
十月湖南進供御細絹六千疋衣著白羅一百疋箭
卷白羅十疋錦綺褥面十牀錦綺背十合淮南進羅
毅一百疋謝恩賜御馬 又按開府元龜二年二月
迴鴿可汗進玉團獅子玉鞍鞞砂紅鹽野駝峰安西
白氈腦脂大鴨砂羚羊角犛牛尾貂鼠等物
開運三年翟光業侯益僉總勳安審信劉景嚴李從
贖錢弘佐來貢

按五代史出帝本紀不載 按開府元龜三年九月
前青州防禦使翟光業進絹一千疋絲三千兩絲七
千兩十月河府侯益進馬五十匹是月陝府焦繼勳
進馬四十四匹絹一千疋是月華州安審信進馬四十
匹太子太師致仕劉景嚴進馬三十四匹鳳翔李從贖
進馬四十四匹十月兩浙錢弘佐進謝恩授守太尉開

命銀五千兩錢五千疋絹一萬疋又茶一萬八百斤
臘源茶三萬四千斤又進乳香黃散香共一千斤又
進乾薑三萬斤蘇木三萬斤箭幹一萬莖諸色戎仗
等物又進啓聖節金大排方座龍腰帶一條御衣一
襲十六事金花銀器一千五百兩御服錦綺綾羅五
百疋

後漢

高祖天福十二年高從誨獻賀登極物
按五代史高祖本紀開運四年二月辛未皇帝即位
稱天福十二年

按開府元龜天福十二年荆南高從誨賀登極進金
花銀器一千兩異紋綺錦法錦三百疋箭卷白羅二
百疋白花羅一百疋絨毛暖座兩枚九鍊純鋼手刀
一口
隱帝乾祐元年高從誨馬希廣希範史弘肇兩浙回
鴿子闕並來貢給事中呂延休奏請貢物宜令自出
脚乘燕不擾民

按五代史隱帝本紀不載 按開府元龜乾祐元年
六月王寅高從誨貢金器二百兩銀器千兩細絹五
十疋繡錦六條五十段羅二百疋龍腦二斤以首過
自新故書十月丁酉湖南馬希廣貢除夜遊春圖女
俠畫障真珠枕及端午金銀雕裝物色帝年未及冠
服玩好奢嘗爲七寶枕玉枕玉鉅餅盤之類而湖湘
貢侈物益蕩其心十一月兩浙貢茶三萬四千斤及
香藥兵仗湖南貢茶五萬斤十二月癸未史弘肇獻
錢萬緡馬二十匹以助軍討叛又朗州節度馬希萼
獻銀器千五百兩降詔獎飭仍諭之云所修職貢舊

古今圖書集成

有規程念航深梯險之勞重連卿意在誘善勸忠之道本實朕心今後凡有進獻可與希廣商量庶叶雍和不爽體制 又按開府元龜呂延休爲給事中乾祐元年上言臣見前朝閹斷入貢物色下船之後官差脚乘搬送到京臣悉諸知害民尤甚比來貢奉自是勤王差擾貧民貢之何益以臣管見凡此數處貢物並令自出脚乘不困貧民於理無爽 又按開府元龜元年五月趙鶴可汗遣使入貢獻馬一百二十匹玉鞍轡玉圍七十三百氈百二十七貂鼠皮二百四十六犛牛尾一百四十八玉韃轡三百三十四又羚羊角礪砂諸藥于闐國遣使朝貢

乾祐二年中書舍人劉濤上言諸道貢賦有未便者許上書論列以協物宜馬希廣來貢宰相侍衛等官俱獻馬

按五代史隱帝本紀不載 按開府元龜劉濤爲中書舍人乾祐二年上言方鎮之內土俗不同山澤川原租賦各異任土作貢蓋便黎民臣恐天下稅賦上供土產各異恐於調度或未便安請教諸道州府於所部之內貢賦供輸有未便特許上書請列以協物宜 又按開府元龜二年九月壬寅湖南馬希廣獻絹一萬正銀一萬五千兩玳瑁寶裝鳳板牀盤龍椅子闕牀子銀戲龍一銀食器六十八事真珠花銀果子其銀其千兩是年宰相侍衛使三司使以犬戎犯河朔獻馬自三匹至二十匹 乾祐三年郭威進添都馬錢獻貢謝恩續捐銀器等物 按五代史隱帝本紀三年春正月丙午郭威進添都

馬

按十國春秋吳越忠懿王世家乾祐三年冬十月王貢僕謝恩續捐二萬八千正銀器六千兩縐五萬兩茶三萬五千勛御米二鑿通犀帶戲龍金帶各一圓

後周

太祖廣順元年詔減諸道所貢口味高保融袁義宰相馮道以下史弘福慕容超武行德等獻賀登極賀皇太子授節鎮及冊德妃諸典禮同鴿來貢

按五代史太祖本紀不載 按開府元龜廣順元年正月庚辰御札宣示羣臣曰朕以眇末之身託王公之上深懼弗類撫躬匪遑豈可化未及人而過自奉養道未方古而不知節量與其耗費以勞人曷若儉約而克己昨者所頒赦令已達至懷官闈服御之所須悉從減損珍巧纖奇之厥貢並使凝停尚有未該再宜條舉應天下州縣舊貢滋味食饌之物所宜除減其兩浙進細酒海味薑瓜湖南杭子茶乳糖白沙糖橄欖子鎮州高公米水梨易定栗子河東白杜梨米粉菜豆粉玉屑粉子麪末與玉田紅花杭米新大麥麪與平蘇小粟子華州麝香羚羊角熊膽獾肝朱柿熊白河中樹紅棗五味子輕陽同州石鑿餅晉絳蒲萄黃消梨陝府鳳樓梨襄州紫萰新笋橘于安州折梗米精味青州水梨河陽諸雜果子許州御李于鄭州新笋鵝梨懷州寒食杏仁申州菓荷亳州草薺汾州州郡淮白魚如聞此等之物雖即出於土產亦有取于民家未免勞煩率多糜費至時奔迫以來獻逐歲收斂以爲常所奉止于朕躬所損被于貳庶加之力役負荷馳驅道途積干有司之中甚爲無用之物此而不止孰曰知微其常貢上件物色今後並不許進奉諸州府更有舊例所進食味其未該者宜奏取進止此外猶有數處時新之物不敢全罷蓋或奉于太后薦于祖宗苟至悉除恐應常敬告干中外宜副朕心帝常于便殿謂樞密使王俊曰語云飢者不厭糟糠寒者不厭短褐是知充飢禦寒取足而已存理路者亦不可以貴賤易其操朕少孤微艱辛備歷達時喪亂皇帝王之位安敢過自奉養以困黎民卿可爲予疏錄前代州府所獻滋味時果之類不便于民者一切減省之故有是詔二月鄭州吳處裕言州貢除新笋鵝梨之外今進櫻桃勅命不該合取進止勅此後勿獻 又按開府元龜元年正月荆南高保融貢銀一千兩法錦二十疋賀登極宴已寒食節帝出元化門設御幄遙拜諸陵開封府袁義獻熟羊酒食丁巳宰臣馮道已下獻馬賀皇太子授鎮寧軍節度使已未昭義常思貢錢三十萬賀太子鎮澶州又直進錢二千五百貫布二千五百疋粟七千石故史弘肇弟弘福貢馬五匹錦綵五百疋謝禮非兄弘肇漢末弘肇楊邠王章遇害帝葬以王禮喪事並官給四月宰臣樞密宣徽使各獻馬賀開德妃荆南高保融貢銀二千兩謝加恩別進請開宴絹一千疋金酒器重五十兩紫羅花羅花較子各百疋長金線絨毛氈十二王于安州慕容超獻龍鳳鞍轡御馬絳帛賀開德妃高保融又貢端午銀絹青羽扇等五月甲子鎮州武行德來朝獻粟二萬石七月邠州侯章進馬三十匹甲申慕容超上章謝賜西京典牧坊第一區長男衙內指揮使繼勳進領明州刺史次男繼

雲轉官進絹千疋絲三千兩別進未壽節祝壽絹二千疋十二月荆南獻銀五百兩慕容彥超獻馬二匹皆實正也 又按冊府元龜元年二月西州道謁遣都督來朝貢王大小六團一團碧琥珀九斤白氈布一千三百二十九投白褐二百八十段珊瑚六樹白貂鼠皮二千六百三十二黑貂鼠皮二百五十青貂鼠皮五百三箇貂鼠襖子四白玉環子碧玉環子各一鐵鏡二玉帶鉸具六十九玉帶一諸香藥稱是迴鶻遣使摩尼貢玉團七十七白氈段三百五十青及黑貂鼠皮共二十八玉帶玉鞍轡鉸具各一副犂牛尾四百二十四大琥珀二十顆紅鹽三百斤梧桐淚三百九十斤餘藥物在數外

廣順二年高行周鄆州民張紹先等鄭孔璋郭潼未許四鎮許進王晏符彥卿屈彥珣王殷等俱于行在獻物常思高懷德馮繼業定州錢弘微申師厚史孔福裴異李崇本王進侯章各獻物帝却侯章所獻開宴銀絹俾為準式迴鶻來貢

按五代史太祖本紀不載 按宋史侯章傳乾祐初鎮鄆州周初加兼侍中廣順二年入朝獻銀絹請開宴周祖謂左右曰諸侯來朝天子自當錫宴以申愷樂豈俟其貢奉為之耶命復賜之仍令有司自今藩鎮有進奉者勿受

按冊府元龜二年三月迴鶻遣使每與難支使副骨迪歷等十二人來朝貢玉團三珊瑚樹二十琥珀五十斤貂鼠皮毛褐白氈翠皮靴等 又按冊府元龜二年十月右叅議大夫裴異右監門大將軍李崇本皆自兩浙使迴見進綾絹犀牙帝以海路艱險使臣

復命不欲更令進貢却令賜之十二月鄆州侯章獻銀千兩馬七匹上壽不納又進請開宴絹千疋銀五百兩太祖顧侍臣曰諸侯入朝帝王自備宴以申魚水之樂豈俟貢奉然後致宴其侯章所進請開宴銀絹宜却賜之今後諸侯入朝更有如此進奉亦當不受 又按冊府元龜二年三月鄆州高行周進助軍絹五千疋并戎裝器仗五百事四月丁未鄆州襄垣縣民張紹先等八人詣闕獻羊酒以除去年殘稅謝恩也五月車駕親征兗州次曹州鄭孔璋獻銀射盤百雙衣著三百疋鄆州進朱許四鎮各獻茶藥是月甲子旦次成武鄆州高行周自鎮來朝貢絹三十疋及器械單州許進來朝獻食丙寅次張康鎮徐州王學來朝進馬七匹戊寅青州節度使符彥卿來朝獻馬十三匹己卯又進錦絲三千疋軍糧萬石六月丁亥迴次鄆州高行周進錢絹請開宴又進車駕巡幸絹五千疋錢五百萬戊子宴于行宮行周以金酒器鞍馬為壽辛卯次濱州節度使符彥卿來朝獻馬十四匹三千金酒器八月昭義節度使常思來朝獻絹三千疋銀千兩粟二萬斛草三萬圍九月戊午故高行周男前鄆州衙內指揮使高懷德進馬五十五匹壬戌靈武節度使留後馮繼業獻馬百匹謝弔祭定州進所獲契丹馬六千一百匹十一月甲寅兩浙錢弘微遣判官貢奉御衣犀帶金銀裝兵仗金銀器綾絹茶香藥物祕色磁器鞍履海味酒等涼州申師厚進馬一百一十六匹詔還其直閑廐使史孔福獻馬謝却賜鄆州物產十二月鄆州防禦使王進以迎侍母親到郡獻馬謝恩進母先往易州離兵革失其所

在近於北蕃訪復而歸之故喜而稱謝戊子鄆州侯章罷鎮至闕獻馬百匹絹五千疋

廣順三年兵部言諸道貢物連動至正旦後到者移本州勘責從之各鎮進開宴銀絹者俱不納王峻符彥卿高紹基高懷德常思趙輝牛師厚薛懷讓安審琦錢弘微史懿王萬放回鶻西天僧薩滿多等族俱來貢

按五代史太祖本紀不載 按冊府元龜三年正月甲子前安州節度使王令溫進開宴絹五百疋教坊二百疋不納二月前鄆州節度使張彥成獻錢七千萬請開宴不納四月丁巳鳳翔節度使趙輝進奉錢絹請開宴不納王申前同州節度使薛懷讓進請開宴錢一百萬不納八月戊申邢州節度使劉詞獻開宴錢不納十一月甲辰兩浙回使牛牛大將軍賈延勳副使太府少卿李批等千牛將軍安崇贊獻犀牙綾絹不納 又按冊府元龜三年正月樞密使王峻獻戰馬二十匹宰臣獻三司李穀所傷臂漸損難任拜起進朝見馬親除天平軍節度使符彥卿進謝近鎮馬十匹帛二十疋及軍器等丁卯朔州獻茶二萬斤宰臣樞密宜徽內諸司使禁軍將較諸藩鎮皆進奉賀皇子嘉禮二月延州衙內指揮使高紹基獻馬四十二匹紹基父死擅知軍政潛有覬望及軍屯近鎮故懼而獻奉三月又獻馬五十匹曉三十頭銀千兩金器百兩三月高懷德進絹三千疋銀三千兩金酒器六副馬十五匹勅賜父行周諡及立碑四月丙寅宋州節度使常思入朝獻銀銀匹兩各二千五百大袍綬五百疋又鳳翔趙輝來朝進馬一百一十七匹絹

五千疋銀五千兩賜鑾金帶又西涼州節度使牛師厚遣都知兵馬使拓跋貞美等四十九人朝貢馳馬又鳳翔趙輝進奉橈官衛隊一百九十五又進絹三千疋金三百兩五月甲申宴於廣政殿宋州常思獻上壽金酒器同州薛懷讓獻銀五百兩馬五匹十一月乙巳襄州安審琦獻銀萬兩助郊祭乙亥兩浙錢弘微貢謝恩綾絹二萬八千疋銀器六千兩絹五萬兩茶三萬五千斤御衣兩襲通犀帶戲龍金帶香藥磁器銀裝甲仗法酒海味等戊寅涇州節度使史懿朝見獻馳馬二百銀千兩癸卯鄭州防禦使王萬敢獻助郊祭絹二千疋又按冊府元龜三年正月兵部尚書言管諸道州府貢物據元勅諸道州府合輸土貢每年冬至後到京歲前點簡候正伏於殿廷樂懸南排如不依期限到京者本州錄事參軍殿司勾押官典各科斷當司每年坐勅文告報催促去年冬諸州府輸貢物違期限者丹絳登曹等四州直至今年正月一日後方送貢物其本官典合行殿責欲移本州勘責從之又按冊府元龜三年正月迴鶻入朝使獨呈相溫貢白氍毹七百七十五團一珊瑚片七十一月西天僧薩滿多等十六族貢馬又按冊府元龜順德六年六月大名府王殷貢絹萬疋棧州何祿進獻供用羅綺二千五百疋荆南高保融進白龍腦法錦金酒器紅六鉢段五十白羅花羅熟般鹿胎褥段六鉢襪面等各一百九鍊神鋼附金銀刀劍各一十二月辛亥諸州府進南郊助祭鞍馬絲帛金銀等物四年四月世宗顯德元年王演進馬刀劍不納迴鶻來貢

按五代史世宗本紀不載 按冊府元龜顯德元年正月通事舍人王演高麗復命進黑水馬新羅刀劍不納二月迴鶻朝貢使以寶玉進上顯德二年錢徽遣陳彥禧入貢按五代史世宗本紀不載 按十國春秋吳越忠懿王世家顯德二年十二月王遣元帥府判官陳彥禧入貢於周顯德三年高保融錢弘微來貢南唐主遣使奉貢請罷兵按五代史世宗本紀不載 按陸游南唐書元宗紀保大十四年二月帝遣泗州牙將王承朗奉書至徐州求成於周稱唐皇帝奉書於大周皇帝願以兄事歲獻方物不報已卯遣翰林學士鍾義大理院學士李德明使周奉表至下蔡行在貢金器千兩銀器五千兩錦綺紋絹二千疋及御衣犀帶茶藥又奉牛五百頭酒二千石稿軍諸罷兵按冊府元龜三年二月丁亥荆南節度使高保融進御衣金帶九鍊純鋼手刀弓箭等十一月丙辰吳越王錢徽進銀五千兩綾一萬疋又進天清節金花銀器千五百兩又御服金帶錦綺綾羅等顯德五年南唐國主約輪歲貢帝幸揚州吳越王錢徽數奉貢占城來貢按五代史世宗本紀不載 按陸游南唐書交泰元年帝遣閩門承旨劉承遇上表歲輸土貢數十萬按冊府元龜五年九月占城國王釋利因德漫遣其臣蕭訶散等來貢方物中有灑衣香散水一十五瓊瑤瓶言出自西域凡鮮華之衣以此水灑之則不脫

而復郁烈之香連歲不歇又進猛火油八十四瓊瑤瓶是油得水而愈熾彼國凡水戰則用之 又按冊府元龜五年二月辛揚州王申吳越王錢徽進御衣犀帶綾絹白金香藥等又進供軍稻米二十萬石四月吳越王錢徽進綾絹各二萬疋銀一萬兩稱謝恩賜國信問七月癸丑吳越王錢徽遣使朝貢進銀五千兩絹二萬疋銀器三千兩細衣段二千連又御衣盤龍犀帶等八月吳越王錢徽進銀五千兩絹萬疋稱賀車駕還京又進龍船一隻天祿船一隻皆以白金飾之帝幸新河亭命宰臣及從官已下觀吳越所進龍舟時京師庶士觀者如堵十一月吳越王錢徽進茶三萬四千八百斤絹五萬兩及香藥器甲等十二月吳越王錢徽進銀五千兩絹三萬疋綿十萬兩稱謝恩賜國信又進賀正錢一千貫絹一千疋顯德六年甘州回鶻來獻玉却之高麗女貞占城及南唐李璟吳越元德昭等來貢按五代史世宗本紀六年三月己酉甘州回鶻來獻玉却之 按冊府元龜六年三月己酉回鶻到闕進玉及珊瑚皆不納所入馬量給價時帝以玉之爲用無濟於軍國故因而却之 又按冊府元龜六年正月高麗國王王昭遣使臣王子佐丞王親佐尹皇甫魏光等來進名馬及織成衣襖弓劍幕甲等女貞國遣使阿辨等來貢方物六月占城國進奉使蕭訶散以雲龍形通犀帶一條菩薩石一片上進八月高麗國王遣使朝貢進別序孝經一卷越王李經新義八卷皇靈孝經一卷孝經經圖二卷十一月高麗復遣使貢銅五萬斤白水精各二千瓶

丁巳 國書卷之五

天顯七年吳越女直烏古敵烈德及趙德鈞阻上來貢

按遼史太宗本紀七年二月壬申拽刺迪里使吳越還吳越王遣使從獻實夏四月女直來貢六月戊寅烏古敵烈德來貢秋七月壬寅唐盧龍軍節度使趙德鈞遣人進時果九月庚子阻上貢十一月丁未阻上貢海東奇鶻三十連

天顯八年女直吐谷渾阻上貢項回鶻烏古來貢按遼史太宗本紀八年春正月戊子女直來貢二月辛亥吐谷渾阻上貢夏四月戊午黨項來貢六月甲寅阻上貢甲子回鶻阿薩蘭來貢秋七月丁亥鐵驪女直阻上貢冬十月乙巳阻上貢辛未烏古吐魯沒來貢十二月丁卯黨項來貢

天顯九年女直南京女直鼻骨德來貢按遼史太宗本紀九年春正月丙申黨項貢驪鹿己亥南京進白鷹閏月壬戌女直來貢三月癸卯女直來貢五月癸丑女直來貢六月己巳朔鼻骨德來貢天顯十年黨項吐谷渾來貢按遼史太宗本紀十年三月戊午黨項來貢六月乙丑吐谷渾來貢

天顯十一年女直鼻骨德吐谷渾烏古來貢按遼史太宗本紀十一年三月庚寅朔女直來貢夏四月癸酉女直諸部來貢六月戊午朔鼻骨德來貢乙酉吐谷渾來貢秋七月辛卯烏古來貢八月丙寅吐谷渾來貢

天顯十二年晉太原唐鼻骨德女直鐵驪來貢按遼史太宗本紀十二年三月庚申晉遣使來貢六

月甲申晉遣戶部尚書孫延祚等請歲貢帛三十萬正詔不許八月庚寅晉及太原劉知遠南唐李昇各遣使來貢九月壬子鼻骨德來貢癸亥木不姑女直來貢癸酉回鶻來貢十一月丁卯鐵驪來貢

會同元年室韋鐵驪女直吐谷渾南唐晉來貢按遼史太宗本紀會同元年二月壬午室韋進白熊皮子鐵驪來貢三月丙寅女直來貢夏四月甲申女直來貢丁酉女直貢弓矢六月丙子朔吐谷渾及女直來貢辛卯南唐來貢八月戊子女直來貢庚子吐谷渾烏孫孫鞠皆來貢九月庚戌黑車子室韋貢名馬冬十月壬寅晉遣使進獨峰驪及名馬

會同二年晉女直南唐吐谷渾阻上鐵驪燧煙俱來貢按遼史太宗本紀二年春正月戊申晉遣金吾衛大將軍馬從斌考功郎中劉知新來貢珍幣命分賜羣臣三月戊申女直來貢五月乙巳南唐遣使來貢丁未以所貢物賜羣臣秋七月戊申晉遣使進犀帶庚戌吐谷渾來貢八月乙丑晉遣使貢歲幣綸戌亥二歲金幣于燕京九月甲戌阻上阿萬底來貢十一月丁亥鐵驪燧煙並遣使來貢

會同三年吳越女直晉南唐阻上室韋來貢按遼史太宗本紀三年春正月戊子吳越王遣使來貢二月己亥奚王勞骨單率六節度使朝貢壬寅女直來貢夏四月丙辰晉遣使進茶藥乙丑南唐進白龜五月庚辰晉遣使進弓矢八月庚子阻上貢乙巳阻上黑車子室韋賀烈等國來貢甲寅阻上貢九月丙戌晉遣使貢名馬戊子女直及吳越王遣使

來貢冬十月庚申晉遣使貢布

會同四年南唐晉鐵驪吳越阻上女直來貢按遼史太宗本紀四年春正月丙子南唐遣使來貢二月甲辰晉遣使進香藥丙子鐵驪來貢己未晉遣楊彥詢來貢三月癸酉晉以許祀南郊遣使來謝進黃金十錠夏四月己卯晉遣使進櫻桃秋七月壬申晉遣使進水晶硯八月庚子晉遣使進犀弓竹矢冬十月癸卯吳越王遣使來貢十一月庚午阻上貢以其物賜左右丙子鴨綠江女直來貢十二月戊戌晉遣王升駕來貢

會同五年鼻骨德鐵驪晉徒觀古素撒阻上女直來貢按遼史太宗本紀五年二月乙未鼻骨德來貢夏四月甲寅朔鐵驪來貢以其物分賜羣臣丙子晉遣使進射柳鞍馬六月癸丑朔晉齊王重貴遣使來貢丁巳徒觀古素撒來貢七月辛卯阻上鼻骨德烏古來貢八月辛酉女直阻上烏古各貢方物

會同六年晉吳越鐵驪奚來貢按遼史太宗本紀六年二月乙卯晉遣使進先帝遺物三月己卯朔吳越王遣使來貢六月丁未朔鐵驪來貢己未奚劬骨里部進白麝辛酉晉遣使貢金八月丁未朔晉復貢金十一月甲辰鐵驪來貢

會同七年室韋紇里里要里鼻骨德來貢按遼史太宗本紀七年六月甲辰黑車子室韋來貢乙巳紇里里要里等國來貢十月丁未鼻骨德來貢會同八年回鶻吐谷渾鼻骨德室韋女直來貢按遼史太宗本紀八年六月戊辰回鶻來貢辛未吐